

北川縣志

全部九卷
卷之首

備志 40

地 280, 127
42

部 = 129



北川縣志

綿竹商業場
大美興代印

民國廿一年
二月上浣印

北川縣志序

綿竹距北川二百里而遙吾鄉前
輩易竹淇太先生雷仙枝朱席珍
楊尊五先後主講西山書院朱孝
廉任家久嘗爲教道其山川之奇
民物之樸風俗之厚心嚮往之每
有好奇嗜古之士不遠千里數千
里至北川探所謂禹穴者惜未得
往游辛未夏王智仁縣長與諸紳
耆以北川縣志見屬函聘敷從自
夏徂秋更託浦孟雲君來綿竹伴
行教廼決然赴約於是登曲山觀

禹穴北川之靈區奧域得其大要
接讀志稿與在局諸君集議於
縣府討論纂修程序蓋北川有
志實始於清康熙乙丑知縣田仰
茁創為志畧有序閱七十三年知
縣姜炳章繼修之其序始詳又

閱八十年知縣趙德林請訓導張
槎僂增脩之較姜志十增其六序
益加詳又閱百年為

中華民國廿一年縣政府縣長
江君振遠踵前任諸君續修成
書蓋取材富順縣志綱目繼前

脩纂附以苗繪尚毅適終其事
所修正及刪潤者凡為圖廿三幅
為表八為志八為傳八載歷任
序文於首所以溯邑乘之由來錄
新序綱目於前因以明縣志之體
例其敘曰

西漢始置北周易名厯唐迄今
五代重更年經事緯閱二千
載沿革可識山川不改述建置
紀事表第一
縣治中心經緯開方四至八到若
網在綱山水重阻人力所通測影

繪圖如在目中述輿地圖第一
孔升大祀禹降石泉廟廷震旦
社稷豐年我倉既盈官府維新
佐治備列撫我烝民述廟壇祠
觀縣府倉署局所表第二
循吏儒林教養兼施棠甘恩總

瓜代有期紆紱佩綬紀載靡
遺優絀自顯百世口碑述官師表
第三

俎豆羊仁學校如林美哉禹功愛
惜寸陰精一執中萬世準則石
紐翁歌泳仁蹈德述學校表第四

兩漢薦薦辟得
人稱盛唐設科目
舉賢登俊自治日
新鄉舉里選
風被廣柔規模宏
遠述選舉表
第五

聯襟自沈姚女抗
節聞風百世女
慕貞潔整不卹緯
憂隕宗周家

人之吉國風之休
述列女表第六
井絡耀采石細垂
青曲山曲水炳
煥圖經申画郊圻
疆理有定民
生攸賴保釐是慎
述方域志第一
食爲民天貸惡棄
地山林川澤
五分之四力耕不
給蠲租予復

流亡歸田帶牛佩犢述食貨
志第二

亂之所生惟禮可已無形法律
風俗淳美石室牽牲金堤潰
蟻愛護必周如防止水述禮俗
志第三

六書游藝二卦文言天地之心
道義之門岫嶺神筆石泉清
氣萃此寶書光照萬禩述藝
文志第四

干羽兩階禹格有苗青片白草
同歸甄陶慎固封守有備無患

軌里連鄉組甲被練述兵防志
第五

師之所屨荆棘生焉大軍之
後必有凶年癘疫天札洿水
滔天星變地震示警省愆述雜
異志第六

天工人代彌補其闕鰥寡孤獨
疲癯殘疾推食解衣捋焚拯
溺發政先施福利民國作救
濟志第七

無堯惟人萬物以生聖賢豪傑
忠孝廉貞全德鮮覲一行猶名

彰善癉惡樹之風聲述人物志
第八

中華民國二十一年六月下浣

綿竹黃尚毅序并書



原序

民國十六年丁卯冬十有一月北川知事楊鈞衡賈
重修北川縣志請叙於余余不敏分防龍綿者近三
年地方凡百廢弊未盡興舉常用瞿然願與邦人士
共圖治之圖治之要莫先審乎民俗民俗敦樸則靜
而易治民俗浮動則譁而難理是民俗純駁治亂安
危之所繫也班固地理志於民質良樸俗尚貞淫所
以三致意焉北川居蜀西北隅界綿茂之間有山川
之險無澆漓之習農勤耕耨工尚堅樸婦女少艷妝
冶容士紳多敦飭謹愿古者謂其有夏后氏遺風純
龐之俗為他縣所不及然自神禹以後絕少魁偉聞
人甚而國家庶政地方事業亦往往瞠乎其後豈樸
愿之民之易與圖治反遜於澆漓之鄉乎是蓋濟淪
導化之不得其道耳惟賴良有司與邑之士君子順

而道之輸以文明之識開其銅塞之風因純懿之俗
尚敷民治之精神不幾乎事半而功倍乎至新舊志
之間應否增省詳畧余徃德軍符何暇道此然觀其
書列表六列志七舉凡山川形勢人才盛衰學校廢
興物產豐絀莫不依類綴輯以次比附既周且慎周
有脫訛謬誤從事諸君子之詳慎周覈無容置詞於
其間獨用道其民俗純駁為圖治之準以志余意而

殷望於地方有司與茲邑之人士也爰為叙以歸之

國民革命軍第二十九軍第一路司令孫震撰副司

令董珩代

北川縣志緒言

寄百里之命不志地方情狀而墨守法令以
相繩猶醫者不同侔管脈象惟執一方以治病
病其殺人必五方之民言語不通嗜欲不同豈
聖人不能有之以禮況中庸之人哉吾蜀位
於國之西南風俗習尚與大江之南黃河之北
者有均異北川位於省之西北風俗習尚與
川東南通衢各縣又異官斯土者久暫無常
大其限期年止耳山川形勢戶口版圖財力民
風猶未悉志即已去任何政績之足云云有感乎
近世之少良吏也斯志其情且不費時莫如
徵之於志民國廿年攝篆斯邑補苴罅漏畧
有措施因取法標準學取立本政務於簡刑務
於法以視衙繁富庶通都大邑之發皇光大

一百千里者賡乎後矣而士民安之列舉許
之若何哉蓋北川凶國中土三石七氣冷候遲
出產歛薄居積不化而熊豕鹿麋與民事食
或更平以食人，民倉實而賦於歲勤勞但
求一飽憐之猶恐不得士夫之家幾饑食上貧率皆
太羹之酒平日自奉可知矣苟不會法令之
所通日名其民而誥之曰現值訓政時期厲行
民生主義衣食住行廢一不可其名棄爾藜藿
而啜肉糜食爾負暄而被重裘毀爾敝廬而建
廣厦移尔崇山而利交通何异過屠門而大嚼
晉惠帝不其笑人乎應任之初徵求邑東金
曰舊志修於清道光時迄今將近百年一板
燬於兵書存蓋窳民國十四年一知事楊公
少權倡設修纂稿具未印而去謝知事

紳續以修改付印款等且耗又不果成後遂與
後以及若問其稿真在則日設鏡為實司總纂
稿存其家鏡出於余履任之前即已物化賴
任宇安子蜀予保存遺編做業余之對於縣
政取漸進主義其長日加益與縣人相安相愛
於十閱月而獲不虞之譽若此稿之力為多
憲其久而敬佚無以示後來乃以印刷付所

政會議會謂人物文藝兩門不無漏漚應付寄
數幕友董授之國學專門學校得業其也披
閱一遍別以各門分纂文體不律況今又有數
年情事亦有交還非聘通儒銘而鑄之不可
以傳任眾可決舉李紳為主任李舉
三紳仲衡為收支均純又而無酬李紳哀告
余曰縣之有志猶國之有史也史官特筆不

以示人今以縣人修縣志筆削之間動多瞻忌
請以會議決之總纂一席請聘綿竹黃君仲
笙擔任首為楊非嶠先生高足弟子曾修綿
竹縣志卓有聲者也余均可其請黃君亦
允諾未縣會議携稿歸修寄審查即行
付印經三月而書成原稿多可燬鍊紙始成
章外更披羅禹碑石刻及縣紳劉氏家藏
蘇趙墨蹟數種特請王君雪嶠集鈎付印琳
瑯善目可寶可傳書既成縣紳請余紀其端
末余曰此書創修於楊任時短費少俸無不
律而取材宏富厥功甚偉不可沒滅若謝
任點竄數字等語自郢耳此次筆削一束
縣人公去而修撰之勞則係黃君一人惜其
未縣會議余適因公赴綿未克一晤所與討

論而決議者皆幕友董君主任李紳之力也
余惟董成其事皆促其成而已故併及之以
示不沒人之長云

中華民國廿一年二月上浣榮昌王麟撰并書